

Los mios pies toquen tierra firme mientras l'aire salao del océanu m'afalaga la cara. Énte mi estiéndese un horizonte desconocíu llenu de promeses y desafíos. Con un amiestu d'emoción y nerviosismu, contemplo les casi zaragateres, los edificios altos y los lletreros lluminosos qu'esllumen n'idiomes qu'apenes puedo entender.

Dexo atrás el mio llar, los mios amigos y la mio familia, embarcándome nesta aventura en busca de nueves oportunidaes. A medida qu'avanzo peles cais apinaes de desconocíos, siento una punzada de seña d'alcordances que queden atrás, pero tamién una chispa d'emoción polo que ta por venir.

La barrera del idioma conviértese na mio primer torga. Cada palabra qu'escucho ye un desafíu; cada señal, una incógnita. Pero con cada pasu, somorguio más nesta nueva realidá absorbiendo cada detalle, cada soníu, cada arume, como un llenzu en blanco, esperando ser pintáu coles esperiencias nueves de la mio vida.

A medida que'l sol se pon nel horizonte y les lluces de la ciudá empiecen a rellumar, doime cuenta de qu'ésti ye namás l'empiezu del mio viaxe. Con determinación nel corazón y una sonrisa nos llabios, prepárome pa esta aventura nueva.

Anque estraño la familiaridá del llar, esfuérmome por atopar el mio sitiú nesta ciudá desconocida. Con cada alcuentru, con cada interacción, voi texendo los filos de la mio nueva historia aprendiendo a afaeme a una cultura que ye tan distinta a la mía, pero qu'espero que m'acueya colos brazos abiertos.

Hola. Soi Diego, un mozu que vien d'África. Quiciabes la xente nun m'imaxinaba asina. Tengo una particularidá que me fai ver distintu al restu. Nun tengo güeyos escuros; son azules, y tengo la piel albino. Pero soi igual al restu como persona. Soi simpáticu, alegre y tengo muncha facilidá pa facer amigos. Mio madre díxome siempre que yera un regalu de Dios yá que nun nací como un neñu d'África tendría que nacer. La manera que siempre

describimos a estas personas y que son totalmente distintas, siempre nun contextu un poco racista.

¿Qué pue pasar realmente nun institutu públicu del estranxeru?

El corazón llatíame con fuerza mientras caminaba escontra la escuela. Yera'l mio primer día nun país estranxeru, lloñe del mio llar familiar n'África. Mios padres consiguieren trabayu equí y mudémonos apocayá. Anque sintía emoción por esta etapa nueva, tamién taba nerviosu polo desconocío que m'esperaba.

Al llegar a la escuela, atopéme arrodiáu de cares desconocíes y voces que falaben un idioma qu'apenes entendía. Los mios güeyos buscaben dalguna cara conocida ente l'ensame, pero yera como tar perdíu metanes un mar d'extraños.

Cuando entré nel aula, sentí miraes interesaes posándose sobre mi. Escoyí un asientu vacíu na parte trasera, tratando de pasar desapercibíu. Sicasí, llueu dime cuenta de que nun diba ser asina. Un mozu rubiu de güeyos azules con un grupu d'amigos averóse a mi.

– ¿D'ónde yes? – preguntó con una sonrisa anque'l tonu tenía un dextru de burla.

– Soi d'África – respondí con cobardía, sintiendo la incomodidá nel ambiente.

– ¡África! ¡Un africanu equí! – exclamó'l mozu con sarcasmu. – ¿Cómo te llames?

– Diego – respondí tratando de caltener la tranquilidad.

– ¿Diego? ¡H.a! Nun creo qu'entiendas mucho lo que dicimos equí – dixo mientras se rién los amigos.

Sentíame como si tuviere nuna película onde toos se burllaben del mocín. Les mios mexelles amburaben de vergoña y noxu. Quería dicí-yos que dexaren de burllase, que yo tamién yera quién p'aprender el so idioma y afaeme, pero les palabres pesaben en gargüelu. El restu del

día foi una serie de momentos incómodos. Sentía miraes furtives y escuchaba risas al mio llombu.

Dellos mozos trataben de falar conmigo, pero siempres con un aire de superioridá y condescendencia. Al terminar la xornada escolar, salí de la escuela con un pesu en pechu. L'ataque qu'esperimenté esi día dexárame mancáu. Preguntéme cómo diba sobrevivir nesti llugar si acaldía diba ser asina. Al llegar a casa, mios padres notaron el mio semblante aveséu y preguntáronme qué pasaba. Cunté-yos sobre'l mio día na escuela, sintiéndome vulnerable y desanimáu. Madre abrazóme con ternura.

– Diego, sé que ye difícil, pero nun tas solu. Vamos atopar la manera de faer frente a esto xuntos – díxome con voz reconfortante. Les sos palabres diéronme un rayu d'esperanza. Pesie al día difícil, sabía que tenía'l sofitu de la mio familia. Decidí que nun dexaría que los malos comentarios me ganaren. Mañana sería otu día, una oportunidá nueva pa enfrentar esti desafíu con valentía y determinación.

Dempués del primer día difícil na escuela, mios padres notaron el mio disgustu y decidieron sentar conmigo na sala pa falar de lo que sucediere.

– Diego, sabemos que güei foi duro pa ti – empezó padre con posu –. Queremos qu'entiendas lo que pue tar pasando y cómo enfréntalo.

Miré a mios padres con interés y esmolición. Madre siguió:

– Lo qu'esperimentesti güei llámase xenofobia, Diego. Ye cuando les persones tienen actitúes contraries a otros, o los discriminen, namás por ser distintos, yá sía pola so nacionalidá, orixe o cultura.

Los mios güeyos abriéronse sorprendíos. ¿Xeno-qué? ¿Por qué daquién diba querer tratame asina namás porque soi d'otru país. Padre sospiró y esplicó:

– Por desgracia, delles persones tienen mieu o prexucios escontra lo que nun conocen o nun entienden. Dacuando, eso pue llevarlos a actuar de manera inxusta o cruel escontra quien son distintos.

Asentí amodo, empezando a entender. ¿Entós la xenofobia ye cuando daquién te trata mal namás por ser distintu?

– Esactamente, fíu – confirmó madre –. Pero ye importante recordar que non toos son asina. Hai persones comprensives y atentes perdayuri y tenemos d'enfotanos n'atopar eses conexones positives.

Mios padres diéronme palabres d'alientu. Sentíme reconfortáu al saber que podía cuntar col so sofíu. Esa nueche investigué más sobre la xenofobia n'internet. Aprendí que yera un problema grave en munches partes del mundu y qu'afectaba a munches persones, non namás a mí. Sentíme un poco menos perdíu al entender meyor lo qu'esperimentara na escuela.

Al otru día, torné a la escuela con una determinación nueva. Sabía qu'enfrentar esti problema nun diba ser fácil, pero decidí nun dexar que m'afectara negativamente. Empecé a buscar oportunidaes pa conectar con otros compañeros qu'amosaren más apertura y amabilidad.

Col tiempu, aprendí a trepar coles actitúes negatives y a arrodíame de persones positives y comprensives. Anque la xenofobia siguía siendo un desafíu, dime cuenta que tenía'l poder de superalo calteniendo la cabeza n'alto y amosando quién yera realmente. Aprendí tamién a valorar entá más la mio identidá cultural y a enfrentar los problemes con fortaleza y valentía.

A medida que m'afacía a la mio nueva rodolada, atopé'l camín escontra una vida más positiva y significativa, onde la xenofobia nun tendría'l poder de definime nin de controlame. Nun podía dexar que los problemes s'enferronaren a mi tolos díes de la mio vida. Ye por ello que voi facer tolo posible pa superalos y que naide me quite'l rellumu de la mio vida.

Trepar cola xenofobia volvíase cada vez más griespo. Dacuando sentíame acorviáu poles actitúes negatives y les burles de dellos compañeros. Foi entós cuando conocí a la Sra. Martínez, una maestra de l'asignatura de Llingua Castellana que se convirtió na mio mentora y guía. Un día, cuando m'atopaba en pasiyu, mientres el recreu, la Sra. Martínez averó a mi con una sonrisa templada.

– Bonos díes, Diego. ¿Cómo tas güei?

Miréla con sorpresa, movíu pola so amabilidá.

– Hola, Sra. Martínez. Toi bien, gracies.

Ella notó la mio espresión esmolecida y preguntóme con ternura:

– Too bien na escuela, Diego? ¿Siénteste agusto equí?

Decidí confiar nella y espliqué-y les mios esmoliciones sobre la xenofobia y cómo me facía sentir. La Sra. Martínez escuchó atentamente y asintió con comprensión.

– Diego, llamento enforma que teas pasando per esto – dixo con sinceridá –. La xenofobia ye un problema seriu, pero quiero que sepas que nun tas solu. Toi equí pa sofítate y ayúdate colo que precises.

La Sra. Martínez diome conseys prácticos sobre cómo enfrentar les males actitúes, cómo caltener la tranquilidá y responder con dignidá. Afalóme tamién a participar n'actividaes estracurriculares p'atopar compañeros más abiertos y comprensivos. Amás de ser el mio sofíu emocional, ufiertóme ayuda académica. Entamó sesiones de tutoría personalizaes p'ameyorar el mio castellán y asegurase que me sintiere más cómodu col idioma. La Sra. Martínez siempre s'esmoleció por mi. Cada dos díes díbemos a la biblioteca y aprendíame les tradiciones d'esti país, la música, los diferentes acentos, dialectos y llingües. Taba tan agradecíu de tenela como mentora que se convirtió nuna de les pilastres más importantes na

mio vida. Empecé a ver cambeos positivos na mio redolada escolar. Los sos esfuerzos por promover la inclusión y la diversidá inspiraron a otros maestros y estudiantes a seguir el so exemplu.

Empecé a sintime más seguru na escuela y un día, mientras taba na biblioteca tratando de concentrarme nos estudios, una moza averóse a mi con interés.

– Hola. ¿Yes nuevu equí, verdá? – preguntó con una sonrisa atenta. Asentí con procuru.

– Sí, soi nuevu. Llámome Diego.

– Encantada, Diego. Soi María. ¿D'ónde yes?

– Vas riíte si te lo digo – afirmé con murnia.

– Créeme. Tuvi esperándote mientras un tiempu cola esperanza de poder falar contigo un día. Interesábame enforma saber de ti. Desque entresti sintí una rabasera d'interés que m'acaroñaba la cabeza – respondió con un rellumu nos güeyos.

Espliqué-y que yera d'África, concretamente de Senegal, y que mudara apocayá a esti país.

Pa la mio sorpresa, María paecía de verdá interesada en conoceme y n'ayudar a afayame.

– Dacuando pue ser difícil ser el nuevu – almitió María –. Pero nun t'esmolezas. Equí toi yo p'ayudate. ¿Necesites dalgún conseyu sobre la escuela o l'idioma?

Mientras la nuesa conversación, afayé que María tamién vivió n'otru país primero de venir equí, polo qu'entendía lo que yera tar na mio situación. Ella compartió conseynos útiles y afalóme a xunime a delles actividaes colos sos amigos. María y yo volvímonos meyores amigos. Ayudóme a integrame en grupos d'estudiu y clubes escolares. La so amistá inesperada foi una lluz esllumante metanes les mios dificultaes cola xenofobia. Xuntos esquizemos la ciudá, probemos comida local y participemos n'actividaes culturales. Al

traviés de les nuestres esperiencias compartíes, aprendí a apreciar la diversida y a celebrar les diferencias ente les persones.

Una mañana soleyera nel patiu la escuela, mientras falaba con María y otros amigos, noté la presencia del mozu rubiu que me miraba fixamente dende l'otru llau. Recordé que yera ún de los que se burllaron de mi aquel primer día. El mozu averóse con una espresión griespa na cara.

– Sigues equí dempués de tou esti tiempo, africanín – dixo con tonu burllón.

El corazón llatíame con fuerza, pero recordéme a mi mesmu la valentía qu'aprendí al traviés de les mios esperiencias.

– Sí, sigo equí – respondí con firmeza –. ¿Hai dalgún problema?

– Contigo, muchos. Estorbes na mio redolada – rióse –. Pensé que marcharías a casa llorando fai enforma tiempu. Tendrías que saber que nun yes bienveníu equí.

Les sos palabres fueron como un golpe, pero caltúvime serenu.

– Toos merecemos respetu, independientemente d'ónde vengamos – respondí con determinación. El mozu paeció engrifar.

– ¿Quién crees que yes pa dicir eso? Nun perteneces equí. Nin siquier te paeces a nós. Tendrías que marchar.

Primero que pudiere retrucar, María intervino.

– Basta, Carlos. Nun tienes derechu a tratar a Diego d'esa manera – dixo con voz firme.

Carlos miró a María con noxu.

– ¡Tu cállate! Esto nun t'importa – retrucó.

Nesi momentu sentí un amiestu de mieu y determinación. Yera hora d'enfrentar esta situación de frente.

– Carlos, nun tengo intención de marchar a nengún llau. Soi parte d'esta comunidá escolar y merezo respetu igual que tu y tolos demás – dixi con voz clara. Carlos paecía sorprendíu pola mio respuesta.

– Tu nun m'asustes, africanín – dixo ente dientes.

– Nun ye cosa d'asustar a naide. Trátase de respetu y dignidá. Toos merecemos ser trataos con igualdá y considerancia – sorrayé.

Dempués d'unos momentos de silenciu tenso, Carlos finalmente dio la vuelta y alloñóse.

Sentíme aliviáu, pero tamién arguyosu de defendeme a mi mesmu y a los mios principios.

María averóse y abrazóme.

– Toi arguyosa de ti, Diego. Demostresti una gran fortaleza y dignidá – dixo con una sonrisa.

Los díes pasaron y, adules, fui atopando'l mio sitiü na escuela. Una mañana, mientras falaba con María en pasiyu, noté que Carlos s'averaba. Miré a María y ella sonrióme como amuesa d'arguyu. El mio corazón empezó a llatir rápido otra vez y la cabeza nun paraba de preguntar qué podía pasar esta vez. Carlos paró delante nosotros. Paecía incómodu.

– Diego, preciso falar contigo – dixo con seriedá. Asentí, dispuestu a escuchar lo que tenía que dicir –. Diego, quería discúlpame por cómo te traté de mano. Fui un insensible y dexéme llevar polos mios prexucios. Dime cuenta que taba equivocáu y quiero pidite perdón.

– Carlos, aprecio enforma que me pidas perdón. Entiendo que toos cometemos errores y ye de valientes reconocelo. Gracias por disculpate – respondí con posu. Carlos paeció aliviáu pola mio respuesta.

– Gracias, Diego. Aprendí enforma d'esta esperiencia y quiero camudar – almitió.

Col tiempu, él y yo empecemos a falar más abiertamente. Afayé que tenía les sos lluches internes y que'l so comportamientu anterior tuviera influyíu polo sos propios mios y inseguridaes. A midida que nos conocíemos meyor, pudi ver el so llau humanu y entender meyor les sos acciones pasaes. Decidí ufierta-y la mio amistá y sofitu, afalándolu a buscar el cambéu positivu que deseyaba. Otros compañeros que tamién fueron testigos de les mios esperiencias cola xenofobia empezaron a averase a mi con palabres de disculpa y reconciliación. Sentíme trescaláu polos sos xestos d'arrepentimientu y agradecimientu.

Aprendí que'l perdón tenía un poder tresformador. Non namás lliberaba'l mio corazón del pesu de la rensía, sinón que tamién abría la puerta a conexones nueves y rellaciones significatives. Afayé que toos tenemos la capacidá de crecer y tresformanos, independientemente de les nuses diferencies y errores pasaos. Al mirar el camín andáu, sentíme estimáu por atopar la fuerza pa enfrentar los desafíos. Taba preparáu pa seguir alantre col corazón abiertu y la esperanza anovada, sabiendo que la mio voz y la mio presencia teníen un impactu positivu nel mundu que m'arodiaba.

Recordái: la diversidá ye una fortaleza, non una amenaza.